

# Peluang saksi 26 APR 1985 peraduan silat

TIKET-TIKET percuma untuk menyaksikan pertandingan peringkat akhir Pertandingan Silat Antara Balai Rakyat boleh didapati mulai hari ini dari Persekutuan Silat Singapura (Persisi) atau beberapa buah balai rakyat.

Peringkat akhir kejuaraan itu akan diadakan di Kompleks Sukan Delta pada 10.00 pagi 4 Mei dan 7.30 malam 5 Mei.

Pihak penganjur telah menyediakan 1,200 tiket percuma.

Seramai 101 orang peserta layak memasuki pusingan saringan pertandingan itu dan dua pusingan saringan telah diumumkan di Balai Rakyat Kampung Ubi pada hujung minggu lalu.

## Merebut

Dua lagi pusingan saringan akan dijalankan di tempat yang sama pada Sabtu dan Ahad ini.

Pertandingan ini merupakan yang ke dua untuk merebut Piala Sidek Saniff dan dianjurkan bersama oleh Persatuan Rakyat dan Persisi.

Balai-balai rakyat yang menganjurkan kegiatan silat ialah Ayer Rajah, Geylang West, Alexandra, Tanglin, Marsiling, Kampong Ubi, Buona Vista, Jurong Town, Dover Road, Kallang, West Coast, Pasir Panjang, Yio Chu Kang, Kampong Chai Chee, Kolam Ayer, Bedok, Telok Blangah, Ayer Rajah (kecil) dan Kampong Eunus.

# Peringkat akhir silat Piala Sidek hari ini

PARA peminat seni silat akan berpeluang menyaksikan 26 orang pesilat bertarung dalam pertandingan silat antara balai rakyat bagi merebut Piala Sidek mulai hari ini esok.

Sejumlah lima acara peringkat akhir dalam bahagian kelas F, G, H, J remaja lelaki dan kelas D dewasa lelaki serta 11 pertarungan merebut tempat ketiga dari berbagai kelas akan dipertandingkan hari ini mulai 2.30 petang.

Peringkat akhir bagi kelas E dan I remaja lelaki, kelas F remaja wanita, kelas B dewasa lelaki serta wanita, kelas C juga E dewasa lelaki pula akan diadakan esok mulai 7.30 malam.

Kedua-dua pertandingan itu bertempat di Kompleks Sukan Delta.

Tahun ini seramai 132 orang peserta dari 14 buah balai rakyat telah mengambil bahagian. Pertandingan itu dianjurkan oleh Persatuan Rakyat (PA) dan Persekutuan Silat Singapura (Persisi).

Setiausaha Parlimen (Perdagangan dan Perusahaan), Haji Sidek Saniff, akan menjadi tetamu terhormat dalam upacara penyampaian hadiah itu pada 7.30 malam esok.